



Republika e Kosovës – Republika Kosova
Paneli Zgjedhor për Ankesa dhe Parashtrresa
Izhorni Panel za Žalbe i Predstavke

Anr.154/2019

Paneli Zgjedhor për Ankesa dhe Parashtrresa (PZAP), në panelin e përbërë nga gjyqtarët: Adnan Konushevci kryesues, Zyhdi Haziri dhe Faton Ademi anëtarë, me pjesëmarrjen e zyrtare së lartë ligjore, Lutfie M. Ajvazi, duke vendosur lidhur me apelin e paraqitur nga Lëvizja Vetëvendosje (LVV), me seli në Prishtinë, paraqitur kundër vendimit të Komisionit Komunal Zgjedhor (KKZ), me seli në Prishtinë, për mbajtjen e tubimit politik, për Zgjedhjet e Parakohshme për Kuvendin e Republikës së Kosovës, që do të mbahen më datë 06.10.2019, në seancën e panelit të mbajtur më datë 02.10.2019, mori këtë:

V E N D I M

Refuzohet i pabazuar apeli Anr.154/2019 i datës 01.10.2019, i paraqitur nga Lëvizja Vetëvendosje (LVV), me seli në Prishtinë, kundër Komisionit Komunal Zgjedhor (KKZ), me seli në Prishtinë, me të cilën ka kërkuar që ti lejohet mbajtja e tubimit publik me datë 04.10.2019, në Sallën “1 Tetori” në Prishtinë.

A r s y e t i m

Me datën 01.10.2019, Lëvizja Vetëvendosje (LVV), ka paraqitur apel në PZAP, me të cilin pretendojnë KKZ-ja në Prishtinë, ju ka bërë padrejtësi me rastin e kthimit të përgjigjes negative lidhur me kërkesën që e ka bërë ankuesi te KKZ-ja, për rezervimin e sallës “1 Tetori”, në Prishtinë, për mbajtjen e tubimit publik me datë 04.10.2019. Me propozim për panelin që të aprovohet apeli dhe ti lejohet mbajtja e tubimit publik për fushatën përmyllëse me datën 04.10.2019, në sallën “1 Tetori” në Prishtinë.

Në përgjigje në apel KQZ dhe KKZ, theksojnë se në bazë të Rregullës Zgjedhore Nr. 13/2013, Fushata e Zgjedhjeve dhe Njoftimi për Ngjarjet Politike, neni 4 paragrafi 2, subjekti i certifikuar politik që dëshiron të organizojë dhe të mbajë një tubim politik gjatë periudhës së fushatës zgjedhore, duhet që te Zyrtari i Lartë Komunal i Zgjedhjeve, i asaj komune (ZLKK) ta dorëzojë formularin e plotësuar të Njoftimit për Mbajtjen e Tubimit Politik (FNjMTP), më së voni shtatëdhjetë e dy (72) orë përpara.

Në përgjigjen e Komisionit Komunal Zgjedhor (KKZ), theksohet se KKZ e ka zbatuar Rregullën zgjedhore Nr. 13/2013 neni 4 paragrafi 2, me pretendim se pala ankuese ka bërë ankesë të padrejtë ndaj tyre. KKZ kërkon nga PZAP-i, që të marrë për bazë veprimet e KKZ që është paraparë në Rregulloren Nr.11/2013 neni 3 alineja 3.3,3.4 dhe 3.6 për thirrjen dhe lajmërimin e

të gjitha strukturave dhe mbështetësve që ta respektojnë Ligjin në fuqi dhe Rregulloren e Kodit të Mirësjelljes. Po ashtu kërkon nga PZAP-i që ta refuzon ankesën si të pabazuar dhe të njëjtit ti tërhiqet vërejtja për abuzim me të drejtën e ankesës së paraparë në Kodin zgjedhor.

PZAP-i, pas shqyrtimit të apelit dhe shkresave tjera të lëndës, paneli gjeti se **apeli është i pabazuar**, për këto arsye:

Paneli vlerëson se KKZ-ja, në Prishtinë, ka vepruar drejtë kur e ka njoftuar ankuesin se me datë 04.10.2019, nuk mund ta shfrytëzojnë sallën "1 Tetori", në Prishtinë, për mbajtjen e tubimit përmbyllës, për fushatën zgjedhore sepse sipas nenit 4 paragrafi 2 të Rregullës Zgjedhore 13/2013, ZLKZ-j, subjekti i certifikuar politik që dëshiron të organizojë dhe të mbajë një tubim politik gjatë periudhës së fushatës zgjedhore, duhet që te Zyrtari i Lartë Komunal i Zgjedhjeve, i asaj komune (ZLKZ), ta dorëzojë formularin e plotësuar të Njoftimit për Mbajtjen e Tubimit Politik (FNjMTP), më së voni shtatëdhjetë e dy (72) orë përpara. Kërkesën për mbajtjen e tubimit publik në KKZ, e ka paraqitur subjekti politik me datë 09.09.2019, për mbajtjen e tubimit përmbyllës në sheshin "Skënderbeu", për dt. 04.10.2019, kërkesa në fjalë i është aprovuar nga KKZ-ja, në Prishtinë, gjithashtu me dt.13.09.2019 subjekti politik LVV, ka kërkuar që me dt.04.10.2019 të mbahet tubimi përmbyllës në sallën "1 Tetori" në Prishtinë, e cila kërkesë i është refuzuar me arsyetimin se hapësira e kërkuar është e rezervuar për material zgjedhor e destinuar për depo, ne te cilin material përfshihet materiali sensitiv dhe jo sensitiv. Andaj, pretendimet e ankuesit janë në tërësi të pabazuara, sepse KKZ me dt.08.09.2019 ka mbajtur takim me anëtarët e saj ku gjatë takimit kanë vendosur se në sallën "1 Tetori" nuk do të përdoret nga subjektet politike për tubime politike.

Pretendimet e ankuesit, se KZZ ka shkelur legjislacionin zgjedhor, nenin 44 të LZP-së dhe Rregullores Zgjedhore 13/2019, nga paneli u vlerësuan si të pa qëndrueshme dhe si të tilla u refuzuar pasi që janë në kundërshtim me vetë përmbytjen e shkresave në lëndës .

Nga arsyet e theksuar më lartë, e duke u bazuar në nenin 118 paragrafi 1 i LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa
Anr. 154/2019 më datë 02.10.2019

Kryesuesi i Panelit
Adnan Konushevi



Këshillë juridike: *Kundër këtij vendimi nuk është e lejuar ankesa.*